

**RAZVOJNA BANKA FEDERACIJE
BOSNE I HERCEGOVINE
Predsjednik Uprave**

Broj: 8646-III/20
Sarajevo, 10.9.2020. godine

Na osnovu Odluke Nadzornog odbora o raspisivanju Javnog konkursa/natječaja za izbor i imenovanje članova Odbora za reviziju Razvojne banke Federacije Bosne i Hercegovine, broj: 8604-II/20 od 9.9.2020. godine, predsjednik Uprave Razvojne banke Federacije Bosne i Hercegovine raspisuje

**Javni konkurs/natječaj za izbor i imenovanje članova Odbora za reviziju
Razvojne banke Federacije Bosne i Hercegovine**

Raspisuje se Javni konkurs/natječaj za izbor i imenovanje 5 (pet) članova Odbora za reviziju Razvojne banke Federacije Bosne i Hercegovine sa opisom poslova i utvrđenim potrebnim uvjetima.

I Mandat

Mandat na koji se imenuju predsjednik i članovi Odbora za reviziju Razvojne banke Federacije Bosne i Hercegovine je 4 (četiri) godine i mogu biti imenovani najviše dva puta uzastopno.

II Nadležnost

Odbor za reviziju Razvojne banke Federacije Bosne i Hercegovine odgovoran je za provođenje eksterne revizije, prezentira Nadzornom odboru finansijske izvještaje, nadgleda poslove interne revizije, najmanje kvartalno informira Nadzorni odbor o nalazu internog revizora i vrši reviziju finansijskog poslovanja Banke na zahtjev Nadzornog odbora i o tome dostavlja izvještaj Nadzornom odboru.

Odbor za reviziju sačinjavaju predsjednik i 4 (četiri) člana.

III Opći uvjeti

Svi kandidati trebaju ispunjavati sljedeće opće uvjete:

- da su državlјani Bosne i Hercegovine,
- VSS - završen ekonomski fakultet, odnosno visoko obrazovanje prvog ciklusa (koji se vrednuje sa 240 ECTS bodova) ili drugog ili trećeg ciklusa Bolonjskog sistema školovanja ekonomsko ili pravne struke,
- da nisu osuđivani za krivična djela koja ih čine nedostojnim za obavljanje funkcije,
- da nisu stariji od 65 godina,

- da nisu izabrani zvaničnici, nosioci javnih funkcija, savjetnici u smislu Zakona o sukobu interesa u institucijama vlasti Bosne i Hercegovine (Službeni glasnik BiH, brojevi: 16/02, 14/03, 12/04, 63/08, 18/12 i 87/13).

IV Posebni uvjeti

Kandidati trebaju ispunjavati sljedeće posebne uvjete:

- najmanje 5 (pet) godina profesionalnog iskustva iz oblasti finansija, revizije i računovodstva,
- da su stekli visok ugled stručnjaka i da imaju visoke moralne osobine za obavljanje povjerene funkcije,
- da im presudom suda nije zabranjeno obavljanje aktivnosti iz nadležnosti Odbora za reviziju,
- da nije iz grupe koja uključuje predsjednika ili člana Nadzornog odbora i ne smije biti član Uprave ili zaposlenik Banke, niti može imati direktni ili indirektni finansijski interes u Banci, izuzev naknade po osnovu te funkcije.

V Potrebni dokumenti

Uz pismenu i vlastoručno potpisanoj prijavu, kandidati su dužni dostaviti dokaze u originalnom primjerku ili ovjerene fotokopije ne starije od 6 mjeseci, o ispunjenju kriterija iz ovog konkursa:

- biografija-životopis-CV,
- dokaz o radnom iskustvu i vrsti poslova koje je obavljao/la, što se dokazuje potvrdom ili uvjerenjem,
- dokaz o stečenoj stručnoj spremi (diplome izdate van Bosne i Hercegovine nakon 6.4.1992. godine od strane nadležnih organa država nastalih raspadom bivše Jugoslavije moraju biti dodatno nostrificirane odnosno za kandidate koji su visoko obrazovanje stekli po Bolonjskom procesu studiranja uz fakultetsku diplomu dostaviti i dodatak diplomi, iznimno, samo u slučaju da visokoškolska ustanova dodatak diplomi nije uopće izdavala niti za jednog diplomanta, kandidat je dužan da uz ovjerenu kopiju fakultetske diplome dostavi uvjerenje visokoškolske ustanove da dodatak diplomi nije uopće izdat niti za jednog diplomanta),
- ovjerena fotokopija CIPS prijave,
- uvjerenje o državljanstvu,
- uvjerenje da nisu osuđivani za krivično djelo i privredni prestup iz oblasti privrednog i finansijskog kriminala 5 (pet) godina od dana pravosnažnosti presude, isključujući vrijeme izdržavanja kazne zatvora izdato od nadležnog MUP-a,
- uvjerenje o privrednom prestupu/prekršaju izdato od nadležnog odjeljenja pri općinskom sudu,
- ovjerenu izjavu kod nadležnog organa da se na njih ne odnosi član IX.1. Ustava Bosne i Hercegovine,
- ovjerenu izjavu da im presudom suda nije zabranjeno obavljanje aktivnosti iz nadležnosti članova Odbora za reviziju,
- ovjerenu izjavu ili uvjerenje nadležnog organa da nisu otpušteni iz državne službe u institucijama Bosne i Hercegovine, odnosno entiteta kao rezultat disciplinske mjere u period 3 (tri) godine prije dana objavljivanja upražnjenje pozicije/ne starije od 3 (tri) mjeseca,

- ovjerenu izjavu da nisu članovi organa nadzora, upravljanja i zaposlenik Banke, niti da imaju direktni ili indirektni finansijski interes u Banci, izuzev naknade po osnovu te dužnosti,
- ovjerenu izjavu da nisu izabrani zvaničnici, ministri i zamjenici ministra vlada na državnom, entitetskom, kantonalmom i opšinskom nivou, uključujući i druge vladine institucije za vrijeme obavljanja svojih funkcija,
- uvjerenje, potvrda ili certifikat o poznavanju stranog jezika, s tim da se svi drugi dokumenti o poznavanju stranog jezika neće smatrati validnim dokazom.

VI Naknadni postupak

Kandidati koji budu ispunjavali uvjete konkursa za izbor i imenovanje članova Odbora za reviziju Razvojne banke Federacije Bosne i Hercegovine, na naknadno traženje Komisije za provođenje javnog konkursa/natječaja, odnosno Nadzornog odbora, dužni su dostaviti dokaze iz tačke V, stav 1. alineja 6. i 7. (uvjerenje da nisu osuđivani za krivično djelo i privredni prestup iz oblasti privrednog i finansijskog kriminala 5 (pet) godina od dana pravosnažnosti presude, isključujući vrijeme izdržavanja kazne zatvora izdato od nadležnog MUP-a i uvjerenje o privrednom prestupu/prekršaju izdato od nadležnog odjeljenja pri općinskom sudu).

Na osnovu procjene kvalifikacija i iskustva prijavljenih kandidata, Komisija za provođenje javnog konkursa/natječaja će provesti proceduru i utvrditi prijedlog liste kandidata.

Javni konkurs/natječaj će se objaviti u „Službenim novinama Federacije Bosne i Hercegovine“ i u dnevnim listovima „Oslobodenje“ i „Večernji list“.

Javni konkurs/natječaj ostaje otvoren 15 (petnaest) dana od dana objave u „Službenim novinama Federacije Bosne i Hercegovine“.

Neblagovremene i nepotpune prijave neće se razmatrati.

Prijave s traženom dokumentacijom se mogu dostaviti lično/osobno ili putem pošte na adresu:

**Razvojna banka Federacije Bosne i Hercegovine
Ulica Igmanska br. 1, 71 000 Sarajevo,
Sa naznakom "Javni konkurs/natječaj za izbor i imenovanje
članova Odbora za reviziju Razvojne banke Federacije Bosne i Hercegovine"**



v.d. **Predsjednik Uprave**

dr. sc. Semir Fejzić